

Deo optimo max. uni & trino, Virgini Deiparæ, & sancto Lucæ orthodoxorum Medicorum Patrono.

(1697) Aug 1397

QUÆSTIO MEDICA

Quodlibetariis disputationibus manè discutienda in Scholis Medicorum, die Jovis 12. Decembris.

M. STEPHANO BACHOT, Doctore Medico, Præfide.

Est-ne cuivis se Medicum professio statim credendum?

HOMO mundi compendium, ut temperamento, sic ratione cæteris præstans animalibus, non diù cunctatur in vivis, sed ut optima quæque manibus avaris prima rapiuntur, suisque numeris implentur deteriora. Sic quod longum vitæ tempus quibuldam animalibus vel deterioris notæ naturæ liberalior parens indulgit, hoc ipsum homini noverca durior invidit, ut sæpe in ipso vitæ limine vitâ cadat, ac interdum inter naturæ fingentis manus intercidat, quod si feliciter obstetricante naturâ prodeat in luminis auras, non semper extremam aut devexam ætatem attingit, sed ejus sæpè vita ante diem præter naturam præterque fatum abrupta violenter, & abrepta, cum gemitu fugit indignata sub umbras, usque adeò vitæ ac mortis confinia parvo discrimine medium ac breve quoddam temporis intervallum separat dirimitque.

HOMINEM natum longa statim malorum sepes invadit, inde iræ & lacrymæ. Tenellulum, pusionem, & adhuc à matre rubentem morbi adoriuntur quam plurimi. Adversus tot malorum Ilia- dem, quibus illius vita proposita est, una Medicina omnium scientiarum nobilissima succurrit, quâ destitutus homo omnium animalium infelicitissimus foret, habent enim illa unde se tueantur & alia laceffant, uni homini dura & immitis natura extitit, quem *γυμνὸν & ἑρπύλλῳ* abjicit in nudam humum, spectatores salutantem fletibus, neque oratione primas agentem partes, sed lacrymis. Fuit ergo ars hæc liberalis & divina homini per totum illius vitæ curriculum necessaria, non tantum ad evadendam, sed & restituendam quoque sanitatem, sine quâ nec Regibus regna sua via, nec Ducibus fortitudo gloriosa, nec Erudito jucunda sapientia. Hanc à Deo Opt. Max. creatam nemo perfecit consequutus est præter Christum, Apostolum, Adamum, & Salomonem. Verè hæc Dei manus & munus est, ipsam aliquando naturam superans, morborum non semper medicatricem. *Θεοφυλοῦς* jure quis hanc disciplinam appelliter, cum versetur circa salutem hominibus dandam, ut ipsa divisum cum Deo Imperium (absit verbo injuriâ) quodammodo habeat. Tantæ dignitatis est, ut ipsi pareant Reges, & cui nunquam impune refragentur: habet tamen ars hæc tam benefica. nec ingloria suos malevolos, qui tot beneficiorum immemores eandem profcindunt & lacerant, sed hoc ipsi commune est cum Regibus, ut malè audiat, cum benefecerit.

MEDICINAM certò dari nemo negaverit, medicum non item. Vilis quidè, præsertim hoc ævo, Medicastrorum annona, sed *γνῶσις & ἰσχυρὸς ἐν ἡγέσει*, verus, perfectus, & omnibus suis absolutus numeris Medicus avis rarissima. Non omnes qui Cytharam pulsant Cytharædi sunt, nec omnes qui profitentur se tenere Medicinæ scientiam ipsi sunt Medici. Hoc titulo jure gloriatur, qui bonis præditus moribus, & omnium ferè scientiarum Encyclopædiâ instructus, non autè Medicinæ scientiæ sacris, *ἐπιστήμῃ & τέχνῃ*, inhiætur, quam sophiæ litaverit, cujus studium sic Medico necessarium est, ut illius præsidio destitutus *ἄνιστος*, ejus famulatio cinctus inter *Ἀσκληπιάδης ἰατροῦ* habeatur. His informatus litteris, Medicinæ operam maturè, in loco idoneo, laboris aman- tissimus navet, & in Hippocratis ac Galeni, qui verè & Dogmaticæ Medicinæ *διδασκῆται*, & statores æterni fuerunt, lectione versatus, morborum inde diagnosim, prognosim, & Therapeiam probè ad- discat. Qui hæc, aut omnino non novit, aut parcè tantum ac tenuiter, probus Medicus haberi non potest, quales sunt quam plures medicastrum, qui artis, quam profitentur, ignari, aut eâ levitè im- buti, empto levi pretio in peregrinis Academiis Doctoris titulo, aut saltem se emisse simulantes, sic clementi honore superbi domum redeunt, ut civium sanguine & divitis saginentur. Secus se res habet in Facultate Medicinæ Parisiensis Scholarum omnium Metropoli ac verè *καθίσταται*, in quâ gradus ille doctoratus, non favore, non ambitu, non fæda munerum nundinatione, sed solâ virtute ac sudore multo emittitur & comparatur.

NEMO poreft diu vivere sanus & incolumis, sine Medico, sed in eo eligendo omnes ferè (ò perversissima hominum judicia!) cæcitiunt, nemo nescire sustinet quis nummus legitimus sit, quis adulterinus ne quid fallatur in re vilissimâ, nec scire studio est quibus id, quod habet optimum, nectur. In numismate non credit alienis oculis, in negotio vitæ ac sanitatis clausis, quod dici- tur, oculis alienum sequitur judicium. Jâm salus non solum popularium nostrorum, sed & magnatum quoque committitur non veris ac genuinis Medicis, sed, ò Pudor! Agyrtis, Circulatoribus, Cir- cur foraneis, *ἀεὶδουμένοις*, Parabolanis, Enipiricis, Cucullatis, aliisque Sycophantibus nobilibus, qui sepe pro remediis venena ministrant: & hi sunt Pleudomedici quos aliquando Roma suis expulit manibus, quos etiam Luctetia frequentes alit in sinu, & quibus mollis magistratuum lenitas fuit, ut nostros concives impunè jugulent, nobis spectantibus & intercedentibus, sed frustra, adeo hac in re exarmata sunt jura. Hi tamen feruntur à populo, & laudantur, quos vel audacia, vel amici cuiusdam favor, vel perulantis linguæ jactantia, non solida Medicinæ cognitio exulit.

VIRI sagacis, & emunctæ naris est verum Medicum à falso distinguere, rari sunt, qui sepositâ personâ judicent, & norunt quid distent æra lupinis. Verus Medicus is est, non qui totum tempus terit in congerendis carbonibus, & fornacibus ædificandis, ut inde arcana nescio quæ erant, quibus *παίσιοι* illam *περὶ φάρμακον*, fatalem illum & decretorium diem in longum tempus protrahere se posse vanis pollicitationibus jactat, quales extitisse prædicant Lullum, Van-helmontium, Bassium Valentium, Paracelsum, ac cæteras ejusmodi Medicinæ vomicas & carcinomata, sub quibus hu- manum corpus plerumque plus remedio, quam ipsis affectibus laborat: sed qui haud similis histriocibus, *καρνεῖται* personam, quam repræsentant, non sustentibus, vir bonus ac Deo veluti suppar, solers ingeniosus, Antiquorum Medicinæ Dogmatum Retinentissimus, Doctus plurimum, nec minus sedulus, ad Languidos vultus officiosissimè, nec lucro inhians, accedit, hunc solum Medicum Schola Medica Parisiensis agnoscit.

Ergo non cuivis se Medicum professio statim credendum.

DOMINI DOCTORES DISPUTATURI.

M. Joannes-Baptista-Renatus Moreau, Professor Regius.
M. Nicolaus Pelletier.
M. Renatus le Comte.

M. Francisus Afforty.
M. Nicolaus de Lervancie.
M. Germanus Proux.

M. Dionysius Dodari.
M. Dionysius Paylen, Pharmacie Professor.
M. Joannes-Baptista de Revelois.

Proponebat Luctetie FRANCISCUS VERNAGE, Parisinus Baccalaureus Medicus. A.R.S.H. 1686.

